




# საშურის მოაზრება



№29(402)

7 აგვისტო, ორშაბათი,

2023 წელი

## საშურის მუნიციპალიტეტისა და ახალგაზრდობის სააგენტოს მხარდაჭერით, საშურის სამუსიკო სკოლის შენობაში, ახალგაზრდული სივრცე გაიხსნა

გახსნაში მონაწილეობა მიიღეს საქართველოს კულტურის, სპორტისა და ახალგაზრდობის მინისტრის მოადგილე - ირაკლი გვიგიაშვილმა, საშურისა და ქარელის მაჟორიტარმა დეპუტატმა ზაალ დუგლაძემ და საშურის მუნიციპალიტეტის მერმა თენგიზ ჩიტიაშვილმა.

ღონისძიება ა(ა)იპ „ახალგაზრდები საშურის განვითარებისთვის“ ხელმძღვანელმა გიორგი მაჭარაშვილმა გახსნა. მან საზოგადოებას გააცნო სამომავლო გეგმები და ის აქტივობები, რასაც ორგანიზაცია საგანმანათლებლო და შემეცნებით ჭრილობაში, სხვადასხვა მიმართულებით პერიოდულად ახორციელებდა.

შეკრებილ ახალგაზრდებს, ახალგაზრდული სივრცის მოწყობაში ულოცეს საქართველოს კულტურის, სპორტისა და ახალგაზრდობის მინისტრის მოადგილე-ირაკლი გვიგიაშვილმა, საშურისა და ქარელის მაჟორიტარმა დეპუტატმა - ზაალ დუგლაძემ, პარლამენტში განათლებისა და მეცნიერების კომიტეტის თავმჯდომარის პირველმა მოადგილე- გიორგი ჩაკვეტაძემ, საშურის მუნიციპალიტეტის საკრებულოს თავმჯდომარე- ნინო ლიპარტელიანმა და საშურის მუნიციპალიტეტის საკრებულოს წევრმა ნიკა თიკანაშვილმა.



„ახალგაზრდების მხარდაჭერა, განსაკუთრებით, მნიშვნელოვანია რეგიონებში... იმედი მაქვს, ამ სივრცეში არაერთი ახალგაზრდა შეძლებს საკუთარი შესაძლებლობების აღმოჩენას, შეიძენს ახალ მეგობრებს, თანამოაზრეებს, შემოქმედებითად დაინტერესება, გაერთობა და დაისვენებს. სწორედ ამ მოტივით დაუჭირა მხარი საშურის მუნიციპალიტეტმა „ახალგაზრდები საშურის განვითარებისთვის“ და ახალგაზრდობის სააგენტოს იდეას. გამოყო ფართი, რომელიც, იმედი მაქვს, ახალგაზრდების საყვარელ ადგილად იქცევა“ აღნიშნა სიტყვით გამოსვლისას საშურის მუნიციპალიტეტის მერმა თენგიზ ჩიტიაშვილმა.

ღონისძიებას ესწრებოდნენ შიდა ქართლის სახელმწიფო რწმუნებულის მოადგილე აბელ აბესაძე, მუნიციპალიტეტისა და სხვადასხვა ორგანიზაციის წარმომადგენლები.

ღონისძიების ბოლოს, ცენტრის დაარსებისთვის, კეთილმოწყობისთვის და ახალგაზრდების ჩართულობისთვის, განსაკუთრებული მადლობა გადაუხადეს, ახალგაზრდობის სააგენტოს, საშურის მუნიციპალიტეტის მერს თენგიზ ჩიტიაშვილს, მერიის ეკონომიკისა და ინფრასტრუქტურის სამსახურებს, ადგილობრივ საგანმანათლებლო რესურსცენტრის უფროს ზვიად გოგუაძეს, ილია ჭავჭავაძის სახელობის, ქალაქ საშურის #3 საჯარო სკოლის დირექტორს თამარ გაგლოშვილს და #1 საჯარო სკოლის დირექტორს მორის დანდურიშვილს.



სივრცის გახსნისას, საზგასმით აღნიშნა, რომ ახალგაზრდობა არის მთავარი მამოძრავებელი ძალა, შესაბამისად, ახალგაზრდების მხარდაჭერა და გაძლიერება ხელს შეუწყობს ქვეყნის მეტად განვითარებას.

## საშურის მუნიციპალიტეტის საკრებულოს სხდომა

3 აგვისტოს, გაიმართა საშურის მუნიციპალიტეტის საკრებულოს მორიგი სხდომა, ნინო ლიპარტელიანის თავმჯდომარეობით. სხდომამ დაამტკიცა პროექტი „საშურის მუნიციპალიტეტის მერიის ელექტრონული საქმისწარმოების წესის დამტკიცების შესახებ“ საშურის მუნიციპალიტეტის საკრებულოს 2022 წლის 3 თებერვლის N4 დადგენილებაში ცვლილების შეტანის თაობაზე; აღინიშნა, რომ დადგენილების მიღების მიზანია „პერსონალურ მონაცემთა დაცვის შესახებ“ საქართველოს კანონით გათვალისწინებული მოთხოვნათა დაცვა.

საკრებულომ მოისმინა საშურის მუნიციპალიტეტის მერიის განათლების, კულტურისა და სპორტის სამსახურის ანგარიში 2023 წლის პირველ ნახევარში გაწეული მუშაობის შესახებ, რომელიც სამსახურის ხელმძღვანელმა კონსტანტინე ფრუიძემ წარმოადგინა.

დღევანდელ სხდომაზე, აგრეთვე, საკრებულოს წევრების კითხვებს არსებულ ვითარებაზე უპასუხეს ა(ა)იპ „საშურსერვისის“ დირექტორმა ზურაბ ნოზაძემ და შიდა ქართლის სატყეო სამსახურის ხელმძღვანელმა კახა გაზდელიანმა.



## საშურში ცენტრალური პარკის რეაბილიტაცია მიმდინარეობს

შიდა ქართლის სახელმწიფო რწმუნებულის მიხედვით შეყუღებული საშურში, ტაბიძის ქუჩაზე მდებარე ცენტრალური პარკის სარეაბილიტაციო სამუშაოებს გაეცნო. ამ ეტაპზე უკვე განხორციელდა ძველი კონსტრუქციების დემონტაჟი და მიმდინარეობს ახალი ინფრასტრუქტურის მშენებლობა.



პროექტის ფარგლებში გათვალისწინებულია ახალი მადრევის მოწყობა, გარე განათებებისა და დასასვენებელი სკამების მონტაჟი, მოეწყობა

კალათბურთისა და სკეიტბორდის მოედნები, განთავსდება ახალი ატრაქციონები და ტრენაჟორები, დაიგება ქვაფენილი. გარდა ამისა, მოეწყობა მწვანე სივრცეები.

პროექტს ადგილობრივი მუნიციპალიტეტი და რეგიონებში განსახორციელებელი პროექტების ფონდი ერთობლივად აფინანსებს, რომლის ღირებულებაც 1 234 777 ლარს შეადგენს. ტაბიძის ქუჩაზე არსებული პარკის სარეაბილიტაციო სამუშაოები მომდევნო წელს დასრულდება





# ხაშურის მუნიციპალიტეტის მერიის ჯანმრთელობის დაცვისა და სოციალური უზრუნველყოფის სამსახურის მიერ 2023 წლის ექვს თვეში გაწეული სამუშაო

2023 წლის პირველი იანვრიდან, ხაშურის მუნიციპალიტეტის მერიის ჯანმრთელობის დაცვისა და სოციალური უზრუნველყოფის სამსახური მუნიციპალიტეტში რეგისტრირებული და მუდმივად მცხოვრები მოსახლეობის მკურნალობის ფინანსური ხელმისაწვდომობის გაზრდისა და სოციალურ-ეკონომიკური მდგომარეობის გაუმჯობესების ხელშეწყობის მიზნით, მნიშვნელოვან ყურადღებას უთმობს სოციალური დაცვის სფეროში მუნიციპალური პროგრამების განხორციელებას.

2023 წელს, სამსახურის მიერ, შემუშავებულ იქნა ფულადი დახმარების სხვადასხვა მუნიციპალური პროგრამა, რომელთა ფინანსური მოცულობა შეადგენს 1 208 180 ლარს. მათ შორის:

- ა) საზოგადოებრივი ჯანმრთელობის მუნიციპალური პროგრამა - 112 820 ლარი;
- ბ) სოციალურად დაუცველი მოსახლეობის ფულადი სოციალური დახმარების მუნიციპალური პროგრამა - 859 940 ლარი;
- გ) შეზღუდული შესაძლებლობების მქონე მოსწავლეთა სოციალური მომსახურების პროგრამა - 41 410 ლარი;
- დ) კონფლიქტის ზონასთან მიმდებარე და მთიანი სოფლების საჯარო სკოლების პედაგოგების უფასო მგზავრობის უზრუნველყოფის მუნიციპალური პროგრამა - 24 000 ლარი;
- ე) უმწეოთა უფასო კვების მუნიციპალური პროგრამა - 170 000 ლარი;

2023 წლის ექვს თვეში გაწეული მუშაობის მდგომარეობა კი ასეთია:

- ა) საზოგადოებრივი ჯანმრთელობის მუნიციპალური პროგრამა - 56 410 ლარი;
- ბ) სოციალურად დაუცველი მოსახლეობის ფულადი სოციალური დახმარების მუნიციპალური პროგრამა - 726 505. 92 ლარი (2602 ბენეფიციარი).
- გ) შეზღუდული შესაძლებლობების მქონე მოსწავლეთა სოციალური მომსახურების პროგრამა - 20 705 ლარი;
- დ) კონფლიქტის ზონასთან მიმდებარე და მთიანი სოფლების საჯარო სკოლების პედაგოგების (50 პედაგოგი) უფასო მგზავრობის უზრუნველყოფის მუნიციპალური პროგრამა 12 000 ლარი;
- ე) უმწეოთა უფასო კვების მუნიციპალური პროგრამა - 62 951.80 ლარი;

გაწეული დახმარების მთლიან მოცულობაში მნიშვნელოვანი წილი უკავია ქრონიკული დაავადების მქონე ავადმყოფების უფასო მედიკამენტებით უზრუნველყოფას. აღნიშნული მუხლით დაფინანსდება ეხება შემდეგი კატეგორიის ავადმყოფებს: ეპილეფსიით, ონკოლოგიურ, დაუნის სინდრომით, ინსულტით, ჰემოფილით, ღვიძლის ციროზით, სისტემური და ეპიდემიის შედეგად დაავადებულებს 200 ლარის ოდენობით, ბრონქული ასთმა, პარკინსონი, 500 ლარის ოდენობით და აორტო-კორონარული მუტირებით 500 ლარის ოდენობით, ამ მიზნით დახმარება გაეწია 177-ზე მეტ ბენეფიციარს 63 340.30 ლარის ოდენობით.

მნიშვნელოვანი ყურადღება ეთმობა ქრონიკული დაავადების მქონე ბავშვების/ მოზარდების რეაბილიტაციის კურსის დაფინანსებას. სქოლიოზით დაავადებულ 40 მოზარდს გაეწია დახმარება და ჩაუტარდა რეაბილიტაციის სრული კურსი, რამაც 12 300 ლარი შეადგინა.

მიმდინარე წლის მუნიციპალური პროგრამით ფულადი სოციალური დახმარება გაეწია მკვეთრად შეზღუდული შესაძლებლობების მქონე უსინათლო პირებს და იმ პირებს, რომლებიც დამოუკიდებლად ვერ გადაადგილდებიან, ან საჭიროებენ მომვლელს. აღნიშნული კატეგორიის 156 ბენეფიციარს გაეწია 46 800 ლარის ფულადი დახმარება.

სოციალურად დაუცველი მოსახლეობის მკურნალობის ხელმისაწვდომობის გაზრდის მიზნით, დადებითი როლი ითამაშა ზოგიერთი კატეგორიის მოსახლეობის სამედიცინო მომსახურების თანადაფინანსებამაც. ამ მუხლით ფინანსდებიან:

- ა) ავადმყოფები, რომლებიც საჭიროებენ გეგმიურ ქირურგიულ ჩარევას;
  - ბ) ავადმყოფები, რომლებიც საჭიროებენ მაღალტექნოლოგიურ გამოკვლევებს (ბირთვულ მაგნიტურ-რეზონანსული გამოკვლევა, კომპიუტერული ტომოგრაფია და იმუნოჰისტოქიმიური კვლევა);
- ავადმყოფები, რომელთა სამედიცინო მომსახურებას არ აფინანსებს სადაზღვევო კომპანია, ან საყოველთაო ჯანმრთელობის დაცვის სახელმწიფო პროგრამა;
- ავადმყოფები, რომლებიც საჭიროებენ სხივური და ქიმიოთერაპიის კურსის თანადაფინანსებას;

მე-2 პუნქტით- „ავადმყოფები, რომელთა სამედიცინო მომსახურებას არ აფინანსებს სადაზღვევო კომპანია, ან საყოველთაო ჯანმრთელობის დაცვის სახელმწიფო პროგრამა“-დახმარების გაცემის შესაძლებლობას, მიზანშეწონილებას და მოცულობას (არაუმეტეს 2000 ლარისა) განსაზღვრავს 2018 წლის 23 მაისის N 1196 ხაშურის მუნიციპალიტეტის მერიის ბრძანებით შექმნილი სამუშაო ჯგუფი. აღნიშნული მუხლით ფულადი დახმარება გაეწია 773 ბენეფიციარს, რამაც სულ შეადგინა 310 060.62 ლარი.

ასევე, დაფინანსდა 27 ხელმოკლე სტუდენტი. მათ, სწავლის ღირებულების თანადაფინანსებისათვის, 800 (არაუმეტეს) ლარის ფარგლებში, უმაღლეს სასწავლებელში ჩაერიცხათ 20 777 ლარი;

თირკმლის დიალიზის პროგრამაში ჩართულმა 40 ბენეფიციარმა მიიღო დაფინანსება 20 000 ლარის ოდენობით;

მრავალშვილიან (ოთხი და მეტი შვილი) დედებს, რომლებსაც შეეძინათ ოთხი და მეტი შვილი, ასევე, დედის დღესთან დაკავშირებით 372 მრავალშვილიან დედას გაეწიათ ფინანსური დახმარება 122 100 ლარის ოდენობით.

გრძელდება სოციალური დახმარების გაწევა დედ-მამით ობოლ ბავშვებზე. დღეის მდგომარეობით მუნიციპალიტეტში ასეთი 1 ბავშვა მიიღო დახმარება 500 ლარის ოდენობით.

მიცვალებულთა სარიტუალო მომსახურება (ომის ვეტერანი, დევნილი, უპატრონო მიცვალებული) გაეწია 9 ბენეფიციარს 2250 ლარის ოდენობით.

სასჯელალსრულების დაწესებულებიდან განთავისუფლებული პირების რესოციალიზაციაზე მომართვიანობა წელს არ მომხდარა.

აუტიზმის სპექტრის მქონე მოზარდების (0 დან -18 წლამდე) სამედიცინო მომსახურების თანადაფინანსება გაეწია 8 ბენეფიციარს 13 500 ლარის ოდენობით.

პარალელურად, გრძელდება წინა პერიოდში დაწყებული შეზღუდული შესაძლებლობის მქონე მოსწავლეების დღის მოვლის ცენტრის, მუნიციპალიტეტის სახელოვნებო სკოლების დევნილი და სოციალურად დაუცველი მოსწავლეების უფასო მომსახურების მუნიციპალური პროგრამები.

გარდა ამისა, უმწეო მდგომარეობაში მყოფი 185 მოქალაქე სარგებლობს უფასო სასადილოს მომსახურებით, რომლის დანახარჯი დღეის მდგომარეობით შეადგენს 62 951.80 (6 თვე) ლარს;

გრძელდება კონფლიქტის გამყოფი ხაზის მიმდებარე და მთიანი სოფლების საჯარო სკოლების პედაგოგების უფასო მგზავრობის დაფინანსების მუნიციპალური პროგრამა.

მიმდინარე წელს, სოციალურად დაუცველ 730 ოჯახს, შობისა და აღდგომის ბრწყინვალე დღესასწაულთან დაკავშირებით, კვების პროდუქტების პაკეტებით გაეწიათ დახმარება, რომლის ღირებულებამ შეადგინა 49 638 ლარი;

ასევე, ხანძრის შედეგად, უსახლკაროდ დარჩენილმა 5 ოჯახმა მიიღო ფულადი დახმარება 10 000 ლარის ოდენობით;

უკიდურესად გაჭირვებულ და უბინაო მოქალაქეებს (30 ოჯახი) ბინის ქირით უზრუნველსაყოფად ჩაერიცხათ 35 640 ლარი;

ომის ვეტერანთა 49 ოჯახს გაეწიათ ფულადი დახმარება ფაშიზმზე გამარჯვების და საქართველოს დამოუკიდებლობის დღესთან დაკავშირებით 400-400 ლარით. სულ ამ თანხამ შეადგინა 19 600 ლარი;

ჩვენი სამსახური მომავალშიც ეცდება გაითვალისწინოს საზოგადოებაში არსებული პრობლემები და მოთხოვნები, რომელიც შესაბამისად ასახული იქნება მოქმედ პროგრამებში.

გიორგი ცერცვაძე, სამსახურის ხელმძღვანელი:

# ხაშურის მუნიციპალიტეტში, გენდერული ბიუჯეტირების საკითხებზე, სამუშაო შეხვედრა გაიმართა

შეხვედრას ესწრებოდნენ მუნიციპალიტეტის მერის მოადგილე ზვიად ქურდაძე, მუნიციპალიტეტის მერიის სამსახურებისა და



გ ა ნ ყ ო ფ ი ლ ე ბ ე ბ ი ს  
ხ ე ლ მ დ ვ ა ნ ე ლ ე ბ ი  
და  
საფინანსო-  
საბიუჯეტო სამსახურის  
წარმომადგენლები.  
GIZ-ის  
ექსპერტმა  
ნინო ლოლაძემ მათ  
საჯარო ფინანსებში  
გენდერული ასპექტების  
შემოტანის საჭიროება  
და პრინციპები გააცნო.  
გ ე ნ დ ე რ უ ლ ი  
ბიუჯეტირება არ

არის სპეციალურად მიმართული კაცზე ან ქალზე და არ მოითხოვს სპეციალურად ქალების პროგრამებზე ხარჯების ზრდას, არამედ სხვადასხვა მიზნობრივ ჯგუფებზე, მათ შორის შშმ პირებზე, ბავშვებსა და ასაკოვნებზე, სოციალურად მოწყვლად და სხვა კატეგორიის ბენეფიციარებზე მორგებულ საბიუჯეტო დანახარჯებს გულისხმობს, ამასთან, მოიცავს შემოსავლებისა და ხარჯების რესტრუქტურისა და იმ კუთხით, რომ



უზრუნველყოფილ იქნას თანასწორობა - აღინიშნა შეხვედრაზე. დაისახა სამომავლო თანამშრომლობის კონკრეტული გზები. სამუშაო შეხვედრა მუნიციპალიტეტის მერიის საფინანსო-ს ა ბ ი უ ჯ ე ტ ო ს ა მ ს ა ხ უ რ ი ს ო რ გ ა ნ ი ზ ე ბ ი თ წარიმართა.



# უ ლ უ მ ბ ო ფრაგმენტები სოფლის ისტორიიდან

(გაგრძელება. დასაწყისი №18,19,20,21,22,23,24,25,26,27,28)

ვახუშტის მიხედვით „...არს ვერტყვილამდე ქართლისა“, თუმცა ეს ტერიტორია მის დროს „მიხმული აქვს იმერთაგან,“ მაგრამ მაინც ულუმბის მონასტრის სამწყსოში ითვლება ნადაბურის „...ზეით არს ულუმბის მონასტრისა“- მიუთითებს ვახუშტი. ულუმბის მონასტრის სამწყსოში უნდა ყოფილიყო შემდეგი სოფლები: ნადაბური, ქვედა და ზედა ლიჩი, სოფელი დოდორა.

ამის დასტურია დავით ამირეჯიბის თხოვნა, რომელიც 1760 წლის 13 ოქტომბერს განიხილა იმერეთის სამეფოს სასამართლო ხელისუფლებამ არჩილ ბატონიშვილის მოთხოვნით.

დოკუმენტში ნათქვამია:

„დავით ამირეჯიბი შეხვეწნოდა ბატონს მეფეს: ლიჩელებმა ღვთისმშობელს ბეგარა არ მამცესო. მეფეს თავისი ძმისთვის ებძანებინა, კარგათ გამოიძიეო. გამოვიძიეთ სვთის შიმ ქვეშ.

ღიას, ღვთისმშობლის შეწირული ყოფილა ლიჩი, დოდორა, გოლისი, ფიცრის ხიდსა და ხეფინის ხევს შუა...“

ახლა გიბძანებთ თვით აზნაურო ლეკვია და ათანო ლომიძე! თქვენ უნდა მოუკრიფოთ რაც მართებს; მაგ თქვენ სახელო კაცს ბეგარა მისცეთ ამ თქვენის ქვეყნიდამ, თვარამ გიწყენთ“ .

ვახუშტის დროს ულუმბის მონასტერში წინამძღვარი იჯდა. საინტერესო მოსაზრებას გვთავაზობს პროფ. თ. ბერაძე წინამძღვრის ინსტიტუტთან დაკავშირებით, რაც ვფიქრობთ უნდა ვრცელდებოდეს ულუმბის წინამძღვარზეც.

„წინამძღვარი ჩვეულებრივ მონასტერს გააჩნდა, - წერს თ. ბერიძე, - აქ რომ მხოლოდ მონასტრის (იგულისხმება გესამანიის მონასტრის) წინამძღოლი იგულისხმებოდა, ვახუშტი ბუნებრივია ამ ფაქტს ხაზს არ გაუსვამდა. ჩვენი ზრით წინამძღვრის ინსტიტუტი საქართველოს საეკლესიო იერარქიის საშუალო ფენას წარმოადგენდა. ასეთი წინამძღვარი არამარტო მონასტრის თუ საყდრის გამგებელი იყო, არამედ მას ემორჩილებოდა გარკვეული რეგიონის სხვა ეკლესიებიც.“

ულუმბის მონასტრის ირგვლივ ვითარება საგრძნობლად შეიცვალა XVIII საუკუნის 50 - იანი წლებიდან, როცა ალის ხეობაში გახშირებული ხასიათი მიიღო ლეკთა თავდასხმებმა.

ყურადღებას იქცევს ულუმბის მონასტრის ხატის 1787 წლის ივლისით დათარიღებული წარწერა: „ეჰა... ღვთისმშობელო... ოდეს ჟამთა ვითარებისაგან შენი ესე წმინდა ტაძარი ულუმბისა მტერთაგან მოოხრებულიყო და შენი განმაცხოვრებელი ყოვლად წმინდა ხატი მტრის შიმით შინდისის სოფელში დასახიზნავათ შეენახათ და იქ წინ აღთებულის სანთლის დარღობით დამწვარიყო შენი შემკულება და როდესაც მადლითა შენითა დაფარულმან მონამან და მსასოებელმან შენმან ამირეჯიბმან მიხმამან ზაზამ ვიხილე და ვიგულისმოდგინე კვალად მოქედვითა შემკულობა და განახლება შენი სამკაულითავე შენითა და საფასისა წარსაგებელითა ჩემითა სადიდებლად მეფისა ჩემისა ირაკლი მეორისა და დასაცვლად მეუღლისა ჩემისა ჩოლოყაშვილის ასულის ქეთევანისა და ძმათა და შვილთა ჩემთა საფარველად“...

აქვე უნდა შევნიშნოთ, რომ XIX ს-ის 40-იან წლებში დიმიტრი მეღვინეთხუცესიშვილს ულუმბის ხატი სოფელ სოდოლაშენის პატარა ქვის ეკლესიაში უნახავს და წარწერაც გადმოუწერია, რომელიც შემდეგ მარი ბროსეს თავის VI „ლაპპოზტ“-ში გამოუქვეყნებია.

ხატის წარწერიდან ჩვენთვის საინტერესოა შემდეგი სიტყვები: „...ოდეს ჟამთა ვითარებისაგან... ტაძარი ულუმბისა მტერთაგან მოოხრებულიყო...“

მაინც რომელ „მოოხრებაზე“ უნდა მიგვანიშნებდეს ხატის წარწერა?

1768 წლის 30 მაისით დათარიღებული დოკუმენტის თანახმად, ამ დროს ულუმბაში სამონასტრო ცხოვრება შეწყვეტილა და სოფელი მოსახლეობისაგან დაცლილია: „ავის დროს მიზეზით აღარც წინამძღვარი უჯდათ და თითონ ეს ულუმბელები იმერეთს დაფანტული ყოფილიყვნენ“.

ამასვე ადასტურებს 1770 წლის აპრილით დათარიღებული ქართლ - კახეთის მოოხრებულ (დაცლილ) მონასტერთა სია, რომელშიც შეტანილია ულუმბოც. „საარქიმანდრიტო ულუმბის ღვთისმშობლისა აოხრებული“ - ნათქვამია დოკუმენტში.

ამრიგად, 1770 წლისათვის ულუმბის მონასტერი მოოხრებული და დაცლილია. ულუმბის მონასტრისა და სოფლის „ავის მიზეზით“ აოხრება ხომ არ უნდა იყოს ალის ხეობაში 1758 წელს მომხდარ ცნობილ მოვლენასთან დაკავშირებული?

კერძოდ, 1758 წელს ალის ხეობა აიკლო ნურსალ-ბეგის რაზმებმა. მათ აიღეს ალის ციხეც. თეიმურაზ მეორეს ერეკლესთან ერთად მიეძველა სოლომონ პირველი იმერთა მეფეც და მხოლოდ ამის შემდეგ გახდა შესაძლებელი ლეკთა განდევნა.

უნდა ვიფიქროთ, რომ ამ დროს მოხდა ულუმბის მონასტრის აოხრებაც, მოსახლეობაც განერიდა სოფელს და იმერეთში გადავიდა.

XVIII საუკუნის ბოლოსა და XIX საუკუნის დასაწყისში ულუმბის მონასტერი კვლავ მოქმედია. ამას ადასტურებს პლატონ იოსელიანი მონოგრაფიაში „ცხოვრება გიორგი მეთაფაშელისა“. მონოგრაფიას დართული აქვს ქართლში მოქმედი მონასტრების სია, რომელშიც მოიხსენიება ულუმბაც.

ამ პერიოდის ულუმბის მონასტერი ვახუშტის დროინდელი „უგუნბათო, დიდი, დიდმენი“ ეკლესიაა, ქუცნა ამირეჯიბის მიერ აღდგენილი. მაგრამ, როგორც ჩანს ამ დროს იგი საცნობლად დაზიანებული უნდა იყოს, რამაც შემდგომში დღის წესრიგში დააყენა მისი დამლა და ახალი ეკლესიის აგება.

XIX საუკუნის 70 - იან წლების დასაწყისში აქ უკვე ახალი ეკლესიაა, რომელიც იმეორებს ქუცნასა და ვახუშტის დროინდელ ეკლესიას, მაგრამ მასთან შედარებით უფრო პატარაა. ახალი ეკლესია ძველი ეკლესიის

გეგმის მთელ პერიმეტრზე კი არ არის დაშენებული, არამედ მხოლოდ 2/3 ნაწილზეა.

სამხრეთის კარის თავზე გაკეთებული ოთხსტრიქონიანი, მხედრულით შესრულებული წარწერა გვამცნობს, რომ „1871-სა წელსა დასხმულ ვიქმენ არხიეპისკოპოზის ევსეის მიერ (1) მღვდლად ულუმბისა დ-ის მშობლის ეკლესიისა მე ალექსი კვლევი (2) მეცადინეობითა ჩემითა შეუდექ აღმენებას ამა ტაძრისას და შევას(3)რულე 1871.“

ულუმბის ღვთისმშობლის თანამედროვე ეკლესია დარბაზულია (15,95X 9,33მ), ნაგებია ნატეხი ქვითა და ქვიშაქვის კვადრებით. შესასვლელი სამხრეთით და დასავლეთით აქვს სამხრეთის თაღოვანი კარი (ძველი ეკლესიისა) ამოქოლილია. აფსიდი ნაყვარწრიულია, აღმოსავლეთით, აფსიდში და დასავლეთით თითო სარკმელია, სამხრეთით და ჩრდილოეთით ორ - ორი. დარბაზის გრძივი კედლების .

## ულუმბის ღვთისმშობლის მიძინების ეკლესია

პილისტრებზე გადადის საბჯენი თაღები, რომლებსაც ეყრდნობა ცილინდრული კამარა. სამხრეთის და ჩრდილოეთით კედლებზე კედლის დეკორატიული თაღებიცაა. გასული საუკუნის 90- იან წლებში მამა გაბრიელის (ტაბატაძე) ხელმძღვანელობით აქ განხორციელდა მნიშვნელოვანი სარესტავრაციო სამუშაოები და მამათა მონასტერმა დაიღობინა.

ისტორიკოსი გ. ბოჭორიძე ულუმბის ეკლესიის აღწერას იწყებს შემდეგი წინადადებით: „სალოლაშენში ყოფილა ულუმბის ეკლესია“ და იძლევა ულუმბის ეკლესიის აღწერილობას.

იქვე წერს, რომ „ულუმბოში ყოფილა ღვთისმშობლის ხატი. ულუმბელებს უდავიათ და ულუმბოში წაუღიათ ეს ხატი“(იქვე, გვ.224). ვფიქრობთ, მკვლევარი სალოლაშენში ულუმბის ეკლესიაზე როცა ლაპარაკობს, აქ ულუმბის ხატისთვის სპეციალურად აგებულ ეკლესიაზე უნდა მიგვანიშნებდეს. სხვა მხრივ გაუგებარი იქნებოდა თუ რატომ მიიჩნევს მკვლევარი სალოლაშენში ულუმბის ეკლესიის არსებობას. ისტორიკოსი დ. მეღვინეთხუცესიშვილი წერს: „სოფელსა სალოლაშენს სურამის უჩასტკასა შინა სდგა საშუალო მცხოვრებთა მცირე ეკლესი ქვიტკირის აღმენებული თავადი ამირეჯიბებთაგან, სადაცა ასვენია დ-ს მშობლის ხატი მშვენიერი ნახატი მხატვრობა სასწაულთ მოქმედი ვერცხლით მოჭადილი და ოქროთი დაფერილი“(ი (ს). აღიშნარაშვილი, დიმიტრი მეღვინეთხუცესიშვილი.

ვფიქრობთ, სოფელ ულუმბის განადგურების შემდეგ, ულუმბის ხატი ხვდება სოფელ შინდისში, სადაც დაზიანდა - დაიწვა. აღდგენის შემდეგ, ამირეჯიბებმა სპეციალურად მისთვის სალოლაშენში ააგეს მცირე ზომის ეკლესია.

ამავე ეკლესიაში დ. მეღვინეთხუცესიშვილს ეტრატზე შესრულებული „ძველი სახარება“ უნახავს. მასზე დაკეთებულ წარწერაში ნათქვამია: „ქ. ყ - დ წმინდაო დ - ს მშობელო დედოფალო მარიამ ორსავე შინა ცხოვრებასა წინაშე და ღთის ჩვენისა მე დადიანის ასულის დედოფალ დედოფალს მარიამს ესე ხელახლად შემოგწირე ოთხივე (?) ესე შენ ულუმბისა დ-ს მშობელო შეიწირე მცირე ესე შესაწირავი და ვინცა და რამანცა ესე შენ გამოგწიროს ჩვენთა ცოდვათათვის გაიკითხოს მას დიდსა განკითხვისასა. ამინ“.

როგორც ვხედავთ, ულუმბის ღვთისმშობლისათვის როსტომ მეფის (1632-1658 წწ.) თანამეცხედრეს, მარიამ დედოფალს შეუწირავს სახარება, რომელმაც როგორც ჩანს ულუმბის ხატის ბედი გაიზიარა - „ჟამთა ვითარებისაგან“ ჯერ შინდისში დაიღობინა, ხოლო შემდეგ სალოლაშენში.

უნდა ვიფიქროთ, რომ მსგავსი ხელნაწერებით მდიდარი იქნებოდა ულუმბის ღვთისმშობლის ეკლესია. მსგავსად ასურელ მამათა სხვა სავანეებისა, იგი არა მარტო სასულიერო, არამედ კულტურულ-საგანმანათლებლო ცენტრი უნდა ყოფილიყო საუკუნეთა მანძილზე.

\* \* \*

ულუმბა, როგორც ზემოთ იყო აღნიშნული, სამონასტრო ცხოვრების ერთ-ერთი უძველესი და უმნიშვნელოვანესი კერა იყო შიდა ქართლში. ჩანს, საქმე უნდა გვქონდეს დიდ სამონასტრო კომპლექსთან. ამაზე მეტყველებს ბოლო პერიოდში აქ ჩატარებული არქეოლოგიური სამუშაოები.

უმთავრესმა ნაგებობამ - ღვთისმშობლის მიძინების ეკლესიამ, რომელიც ბოლოს 1871 წელს მღვდელმა ალექსი კვლიშვილმა აღადგინა, იმ სახით XX ს - ის 90-იან წლებამდე მოაღწია ჩვენამდე.

## ულუმბის ღვთისმშობლის მიძინების ეკლესია

მამა გაბრიელის დიდი ძალისხმევით აღდგა აგრეთვე წმ. გიორგის ეკლესია, რომელიც მთავარი ეკლესიიდან სამხრეთით 0,5 კმ-ზე, ნასაყდრის დეღის სათავეში მდებარეობს. მან ნანგრევების სახით მოაღწია ჩვენამდე და მისმა არქეოლოგიური თვალსაზრისით შესწავლამ სულ სხვა სურათის წინაშე დაგვაცენა. თამამად შეიძლება ითქვას, რომ იგი სამონასტრო კომპლექსის მნიშვნელოვან ნაგებობას წარმოადგენდა.

სოფელ ულუმბის მკვიდრთა გადმოცემით, მარიამობის ბრწყინვალე დღესასწაულზე, ულუმბაში ამოსული მრევლი, მოილოცებდა რა ღვთისმშობლის სახელობის ტაძარში, ყოველთვის ადიოდა ადგილ „ნასაყდრის წმინდა გიორგიზე“, ანთებდა სანთელს და ლოცულობდა.

ისტორიკოსი გ. ბოჭორიძეს XX საუკუნის 20 - იანი წლების ბოლოს შედგენილ გორის მაზრის ისტორიული ძეგლების ნუსხაში შეტანილი აქვს ულუმბის ღვთისმშობლის ეკლესია და ულუმბის მონასტრის ნანგრევები.

თ. ლაცაბიძე

(გაგრძელება იქნება)



- რ ა გ ბ ი -

# ძმები გრიგალაშვილები, რომლებიც საფრანგეთს საქართველოს აცნობენ

სანამ ინტერვიუს მომზადებას დავიწყებდი, დაფიქრდი და მივხვდი, რომ არ მახსენდება გვარი, რომელიც ასე ამართლებდეს თავის არსს. გრიგალაშვილები ხომ სპორტულ სამყაროში „გრიგალივით“ დაჰქრია... მართო ძიუდოში როდი გვყავს ამ გვარის წარმომადგენელი? (ვგულისხმობ ტატოს) თურმე, რაგბიშიც ყოფილან - ზურა და გიორგი გრიგალაშვილები, რომლებიც ძმები არიან და საფრანგეთის სარაგბო გუნდ „კარკასონში“ ირიცხებიან. აღნიშნული გუნდი, ამჟამად საფრანგეთის რანგით მესამე დივიზიონშია და წელს, მათი მიზანი „პრო დ2“-ში (საფრანგეთის მეორე დივიზიონი) დაწინაურებაა.

დღეს ერთ-ერთი ძმის შესახებ გიამბობთ... ზურა გრიგალაშვილმა რაგბის თამაში 10 წლის ასაკში ხაშურის „ლეგიონში“ დაიწყო, სადაც მისი



მწვრთნელები დავით სტეფანოვი და არსენ გიორგაძე იყვნენ. მან ამ გუნდში 7 წელი დაჰყო. 20 წლის ხაშურელი მორაგბე პოზიციით მარცხენა ბურჯია (1ნომერი). ზურა 2 წლის განმავლობაში თბილისის სარაგბო კლუბ „წიქარაში“ ასპარეზობდა, ხოლო 1 წელი პატარძელის „ვეფხვებში“ თამაშობდა. ამჟამად კი, როგორც უკვე გითხარით, „კარკასონის“ მორაგბეა და მისი დაუოკებელი სურვილი საქართველოს ეროვნულ ნაკრებში თამაშია.



- ზურა, რამდენი ხანია, რაც რაგბიში ვარჯიშობ და რატომ გადაწყვიტე მორაგბეობა?

- რაგბის თამაში 9-10 წლის ასაკში დავიწყე. ხაშურში სარაგბო გუნდი „ლეგიონი“ ახალი ჩამოყალიბებული იყო და ჩემი მეგობრები დადიოდნენ. ამიტომ მეც შევედი და პირველივე ვარჯიშის შემდეგ, ამ სპორტის სიყვარულით მოვიწამლე.

- რომელ პოზიციაზე თამაშობ და როგორი სტილის რაგბი გიყვარს?

- მარცხენა ბურჯი ვარ. მიყვარს, როდესაც შერკინებას მივაწვები, მეტოქეს დავაჯარიმებ და ბურთსაც ავიღებ. სწორედ ესაა ჩემი მოვალეობა და ჩემი ბრძოლისუნარიანობა ქართულ ხასიათშიც ჯდება.

- მენს კარიერაზე რომ მომიყვ, როგორ აღმოჩნდი საფრანგეთში?

- საფრანგეთში ბიძა მყავს, რომელიც 20 წელია იქ ცხოვრობს. ჩემი აგენტიც მისი მეგობარია. აგენტმა ჩემი და ჩემი ძმის თამაშების ვიდეოები ები ფრანგულ გუნდებს გაუგზავნა, რის შემდეგ ორ გუნდში ვარჯიშებზე დაგვიბარეს და ა გ ვ ა კ ვ ი რ დ ე ნ . ს ა ქ ა რ თ ვ ე ლ ო შ ი დაბრუნების შემდეგ, „კარკასონისგან“ შემოთავაზება მივიღე და კონტრაქტიც გავაფორმე.

- პირველი ფრანგული ღლები თქვენს კარიერაში...

- ემოციური

და დამღლედი იყო. გუნდში კარგად მიმიღეს, გარემოს შევეგუე და მწვრთნელებთან კარგი ურთიერთობა დავამყარე.

- ტრავმები ხშირად გაქვს?

- 2 წელიწადი მუხლის ტრავმა მქონდა, რამაც ჩემს კარიერას დიდი დარტყმა მიაყენა. ახლა, უფლის წყალობით კარგად ვარ.

- საფრანგეთში სათამაშო პრაქტიკა როგორი გაქვს და გუნდში რა მიზნებია?

- საფრანგეთში პირველი წელია, რაც ჩამოვედი. სექტემბერში მოსამზადებელი პერიოდი მაქვს და სეზონიც მალევე განახლდება. გუნდის მიზანი „პრო დ2“-ში გადასვლაა.

- მორაგბეები ფიზიკურად ძლიერები ხართ. თუ არის დაუწერელი წესები იმის შესახებ, როგორ შეიძლება ამის გამოყენება მოედანზე და მოედნის გარეთ?

- მოედანზე ძლიერები და აგრესიულები ვართ, სიხისტეც გვიყვარს. ქუჩაში, რომ ისე ვიმოქმედოთ, როგორც მოედანზე ვაკეთებთ, ეს ცუდ შედეგს მოიტანდა. (იგინის).

- ვარჯიშისთვის კარგი პირობებით მენი კარიერის დასაწყისში ვერ დაიკვებინდი. იმ წლებიდან რა განსხვავება ყველაზე უსიამოვნოდ?

- ხაშურის „ივერიის“ ძველ სტადიონზე ვვარჯიშობდით და ზამთარში ტანსაცმელს გარეთ ვიცმევდით, რადგან გასახდელი ოთახი არ გვქონდა. ცუდად მახსენდება, მაგრამ ეგ დრო მაინც მენატრება.

- ქართული ანსამბლების კონცერტები საფრანგეთშიც ხშირად იმართება. მენი უცხოელი მეგობრები ქართულ კულტურას იცნობენ?

- ფიჯელი მორაგბე გვყავს გუნდში, რომელმაც საქართველოს შესახებ არაფერი არ იცოდა. ჩვენი ქვეყნის ფოტოები ვაჩვენე და აღფრთოვანდა, ჩამოსვლაც კი ისურვა. ფრანგებმა იციან საქართველოს შესახებ, ჩვენი ღვინო ძალიან მოსწონთ.

- მენი ფრანგი მეგობრები წითელ ქართულ ღვინოს ამჯობინებენ თუ თეთრს?

- წითელს... რომ ვუთხარი ქართველი ვარ- მეუქი, ეგრევე ქინძმარაული ასხენეს.

- ათი წლის მერე როგორი წარმოგიდგენია მენი თავი და ცხოვრება?

- 10 წლის შემდეგ კარიერის ბოლო წლები მექნება. საკუთარი თავი საქართველოში ჩემს ოჯახთან ერთად წარმომიდგენია. რატომღაც მგონია, რომ განვლილი გზა კარგი მექნება.

- ქართველი ბურჯები საფრანგეთში მრავლად თამაშობენ, როგორი დამოკიდებულება აქვთ ქართველი ლეგიონერების მიმართ?

- ქართველი მორაგბეები განსაკუთრებით უყვართ. ფრანგები დამთმობები არიან და ძლიერი ხასიათი აქვთ.

- მხოლოდ სპორტით ცხოვრება არ არის რთული და დამღლედი?

- თუ გიყვარს და მიზანდასახული ხარ, დამღლედი არ იქნება. პირიქით, რაგბის გარეშე ვერ ვჩერდები და ამისგან დიდ სიამოვნებას ვიღებ.

- რა არის კარიერული მიზანი?

„ტოპ 14“-ში თამაში მსურს (საფრანგეთის პირველი ელიტარული დივიზიონი). ასევე მსურს, საქართველოს ეროვნულ ნაკრებს გამოვადგე, რისთვისაც თავდაუზოგავად ვიშრომებ.



გ. გელაშვილი



### - საშუალო ახალგაზრდები - საზღვარგარეთ - ლილიკო მოწონელი - მხოლოდ ცოდნას მოაქვს თავისუფლება...

საზღვარგარეთ განათლების მიღება დღეს განსაკუთრებით სასურველი და აქტუალურია. სწორედ ქართველი ახალგაზრდები სწავლის გაგრძელებას საზღვარგარეთ აძეგნიან. ხაშური, რომ წარმატებული ადამიანების ქალაქია, ამას ჩვენი გაზეთის მკითხველი არაერთხელ დარწმუნდა. სისტემატიურად გაცნობდით და გაცნობთ ჩვენს თანამოქალაქებს, ჩვენს ახალგაზრდებს, რომლებმაც მხოლოდ საკუთარი ნიჭისა და შრომის ფასად მიაღწიეს წარმატებას.

ჩინეთის ქალაქ ჰანგჭოუში, ჭეძიანგის უნივერსიტეტში, 30 000 სტუდენტი სწავლობს, მათგან 6 000 უცხოელია. უმაღლესი სასწავლებელი, რომელიც ჩინეთში ცნობილი უნივერსიტეტია, საკმაოდ დიდ ტერიტორიაზე განლაგებულ სასწავლო შენობას, ბიბლიოთეკას და რამდენიმე კამპუსს მოიცავს. ჭეძიანგის უნივერსიტეტის სტუდენტები მსოფლიოს სხვადასხვა ქვეყნიდან არიან.

6000 უცხოელი სტუდენტიდან კი რამდენიმე ქართველია. მათ შორის ერთ-ერთია 27 წლის ლილიკო მოწონელი - ჭეძიანგის უნივერსიტეტის მეცამეტე კურსის სტუდენტი, რომელიც დაიბადა და გაიზარდა ქალაქ ხაშურში, აქვე დაამთავრა სკოლა, 2014 წელს სწავლა გააგრძელა თბილისის თავისუფალ უნივერსიტეტში საერთაშორისო ურთიერთობების ფაკულტეტზე, შორეული აღმოსავლეთის განხრით, აქ დაეუფლა ჩინურ ენასაც. 2017 წელს კი სწავლა გააგრძელა ჩინეთში, სადაც სწავლობდა ჩინურ ენას. ლილიკო ამბობს, რომ მას უბრალოდ ძალიან შეუყვარდა ეს ქვეყანა.

ჩინეთში სწავლის შემდეგ, ისე შემყვარდა ეს ქვეყანა, გადაწყვიტე მაგისტრატურაზე იქ ჩაბარება, მივიღე ჩინეთის სახელწიფოს სრული დაფინანსება და ყოველთვიური სტიპენდია და დღეს ვსწავლობ მაგისტრატურაზე საერთაშორისო განათლების განხრით.



მანხაი

**• ლილიკო, შენი ცხოვრება ჩინეთში გამგზავრებამდე და ჩინეთში სწავლის შემდეგ... –**

**ბუნებრივია, იქნება ამ ორ, ძალიან განსხვავებული ქვეყანაში ბევრი რამ, რაც შენს გაცნობას შეძლებდა...**

ჩინეთში გამგზავრებამდე ბევრ რამეზე სხვანაირი წარმოდგენა მქონდა, არ ვიცნობდი სხვადასხვა ქვეყნის წარმომადგენლებს, ჩინეთში უამრავი ადამიანი გავიცანი, ყველა ქვეყნიდან მყავს ნაცნობი თუ მეგობარი, მივხვდი რომ ადამიანები, წარმომავლობის მიუხედავად, ცხოვრებაზე ერთნაირად ფიქრობენ, ერთნაირი

მიზნები თუ მისწრაფებები აქვთ. ჩინელი ხალხი უზომოდ შრომისმოყვარეა, დღის 6 საათზე იწყებენ მუშაობას, ძალიან ბევრს შრომობენ საკუთარი ცხოვრების გაუმჯობესებისთვის, ეს არის ერთ-ერთი რამ, რაც მე ძალიან მომწონს. ამასთან, ძალიან გავს ჩინური და ქართული სტუმართმოყვარეობა ერთმანეთს, ზუსტად ისე უყვართ სტუმარი ჩინეთში, როგორც საქართველოში, ეს ჩემი აღმოჩენა იყო. ჩინეთში ცხოვრება უფრო რთულია, იმ მხრივ რომ მეტი კონკურენციაა, ძალიან ბევრ ადამიანს უნდა აჯობო, რომ შეძლო მიზნის მიღწევა. ამ მხრივ სკოლებშიც და უნივერსიტეტებშიც წნეხი ძალიან მაღალია, რაც მე პირადად არ მომწონს.

**• ლილიკო შენს ჩინეთში გამგზავრებას პანდემია წამოეწია, იქონია გავლენა მსოფლიო პანდემიამ შენს საქმიანობაზე?**

კი, რა თქმა უნდა, პანდემია რომ დაიწყო, მე ჩინეთში ვიყავი, რამოდენიმე დღე დავტოვე ჩინეთი და უკან 3 წელი ვეღარ დავბრუნდი, ძალიან შეცვალა ამ ყველაფერმა ჩემი გეგმები. დავიწყე საქართველოში მუშაობა და სწავლის გაგრძელება მხოლოდ სამი წლის შემდეგ შეძელი. ონლაინ სწავლაზე უარი ვთქვი, ძალიან რთული იყო ეს ყველაფერი დროის განსხვავების გამო.

**• მახსოვს ის ეპიზოდი შენი ცხოვრებიდან, როდესაც ქართველ მაყურებელს ჩინეთიდან უზიარებდი მათი საახალწლო ტრადიციების შესახებ...**

კი, ჩინურ ახალ წელს პირველად შევხვდი ჩინურ ოჯახში, ჩემმა ჯგუფელმა თავის ოჯახში დამპატიჟა და მთელი ერთი კვირა მათთან ერთად გავატარე. მათთვის ახალი წელი ყველაზე მნიშვნელოვანი დღესასწაულია. მთელი ოჯახი ერთად იკრიბება და მხიარულად ხვდებიან ახალ წელს. რაღაცით ქართულ ტრადიციასაც წაგავს.

**• ლილიკო, დაუბრუნდეთ შენს ბავშვობას, ოჯახს, მე ყოველთვის შენს და-ძმასთან, დიმილიანი და საკუთარ განვითარებაზე ორიენტირებული მახსოვხარ...**

ძალიან კარგი ბავშვობა მქონდა, ჩემი და-ძმა ჩემი მოტოვაციის წყაროა. ბავშვობიდან სულ ვიძახდი და ახლაც ვამბობ, რამეს თუ მივადწევ, ჩემი და-ძმისთვის ვაკეთებ ამ ყველაფერს-თქო ბავშვობიდან სულ საზღვარგარეთ მინდოდა წასვლა, ბევრი ქვეყნის ნახვა და ამ მიზანს მივადწევი.

**• ბავშვობის მთავარი ამბავი, ბავშვობის მთამბეჭდავი მთავარი ამბავი....** ბავშვობაში ბევრი რამე მახსოვს კარგად, ყველაზე კარგად მახსოვს სკოლისთვის სამზადისი ყოველ დღიას, მე და ჩემი და-ძმა რომ ვსაუზმობდით

(დასასრული მე-6 გვერდზე)

### ხაშურში, დიმიტრი ყიფიანის სახელობის სკვერში, "მუსიკალური საღამო" მოეწყო

ღონისძიება მთავრობის ადმინისტრაციის ორგანიზებით გაიმართა. აქტივობების ფარგლებში, ბავშვებისთვის, სხვადასხვა შემეცნებითი და



გასართობი სივრცე მოეწყო, ჩატარდა მრავალფეროვანი ვორქშოპები და ანიმატორების შოუ. ასევე, გამოიფინა ადგილობრივი მეწარმეების მიერ დაზღვეული ხელნაკეთი ნივთები. საღამო გალაკონცერტით დასრულდა, ადგილობრივი მსმენელის წინაშე ჯგუფი "ბანდეროლი",

ნოდუკო ტატიშვილი, ანი კეკუა, თამუნა ამონაშვილი, სალომე ბაკურაძე და თიკა მახალდიანი წარსდგნენ. საღამოს უძღვებოდა ანი კომპაძე.



### ხაშურის მუნიციპალიტეტის მერიის მხარდაჭერით, მუნიციპალიტეტში მცხოვრები 15-19 წლის 13 ახალგაზრდა ბაკურიანში - ინოვაციურ ბანაკში გაემგზავრა.

პირველ ინოვაციურ ბანაკში, რომელიც ორგანიზებულია კასპის ტექნოპარკისა და საქართველოს ინოვაციებისა და ტექნოლოგიების ფონდის მიერ, ახალგაზრდები ცოდნას შეიძენენ შემდეგი მიმართულებებით:

შესავალი ტექნოლოგიებში და თანამედროვე პროფესიები ტექნოლოგიებში;

- სამეწარმეო (entrepreneurship) უნარები და აზროვნება;
- აზროვნების დიზაინი (Design Thinking);
- პროდუქტის ბრენდინგი, მომხმარებელთან კომუნიკაციის საფუძვლები;
- პროდუქტის ბაზარზე მორგება (product-market fit);
- პროდუქტის განვითარება და მართვა - პროტოტიპი და MVP;
- Arduino - შესაძლებლობები და რესურსები;
- Smart City და Smart Village ტექნოლოგიები - საგნების ინტერნეტი (IoT – Internet of Things), მონაცემთა მეცნიერება, ხელოვნური ინტელექტი (AI), მანქანური სწავლება (ML), ღრმა დასწავლა (DL), ა.შ.
- Pitching, Pitch Deck მომზადება;
- გაიმართება შეხვედრები ტექნოლოგიურ სტარტაპების წარმომადგენლებთან.

ღონისძიების განმახორციელებელი კომპანია ქლევერტონი. ბანაკის მონაწილეები ორგანიზატორებმა კონკურსის ფარგლებში





### - საშურელი ახალგაზრდები - საზღვარგარეთ - ლილიკო მოწონელიმე - მხოლოდ ცოდნას მოაქვს თავისუფლება...

(დასასრული)

და თან ტელევიზორს ვუყურებდით, ეს მომენტი ყველაზე მეტად მენატრება და ვიცი, რომ აღარ განმეორდება.

#### • შენი პროფესია, რატომ ეს პროფესია და არა სხვა?

განათლება ავირჩიე, იმიტომ რომ ბავშვობიდან მიყვარს ზოგადად განათლება და ენები, სულ სწავლაზე ვიყავი ორიენტირებული, თან მგონია, რომ ქვეყანაში ბევრი რამეა შესაცვლელი ამ მხრივ და მეტი ცოდნაა საჭირო, ამასთან, ჩემი პროფესიაა სინოლოგია. ძალიან მიყვარს ჩინური ენა და კულტურა, აქედან ონლაინ ვამზადებ მოსწავლეებს ჩინურ ენაში და ვცდილობ, ეს ენა მეტად ადამიანს შევავყარო.



#### • პანდემიის გამო საქართველოში დაბრუნებული, როგორც ვიცი, მუშაობდი კიდევ სწავლის გაგრძელებამდე?

კი, ვმუშაობდი, ჯერ რიკოთის გვირახთან არსებულ ჩინურ კომპანიაში დირექტორის ასისტენტად და შემდეგ ბათუმში არსებულ ჩინურ კომპანიაში პირად ასისტენტად.



ორივე დიდი ჩინური კომპანიაა და ამ ადგილებში მუშაობით ძალიან დიდი გამოცდილება შევიძინე, უამრავი ადამიანი გავიცანი.

#### • ხასიათის შტრიხები...

არ ვიცი, ალბათ შრომისმოყვარე და ცოტა ჯიუტი. დასახული მიზნისკენ ყოველთვის ჯიუტად მივდივარ ნოლმე წინ.

#### • მთავარი მიღწევა შენს ცხოვრებაში...

მგონია რომ ჯერ მთავარი მიღწევა წინ მაქვს.

#### • პირადი ამბები...

ამ ეტაპზე მხოლოდ სამსახური და სწავლა

#### • შენი ქალაქი შენს ცხოვრებაში...

ჩემი ცხოვრების ნახევარი საშურში მაქვს გატარებული, უდიდესი გავლენა მოახდინა ჩემს იმ პიროვნებად ჩამოყალიბებაში, ვინც დღეს ვარ.

#### • სამომავლო გეგმები..

ვეგემავ ონლაინ სკოლის განვითარებას და მეტი სტუდენტისთვის ჩინური ენის სწავლებას, ამასთან, მინდა, ბევრ მოსწავლეს დავეხმარო სწავლის ჩინეთში გაგრძელებაში.

#### • თავისუფალი დრო... გატაცება, ჰობი...

ჩემი ჰობია იოგა და თავისუფალ დროს იოგით ვარ დაკავებული, ასევე ძალიან მიყვარს ახალი ადგილების აღმოჩენა და ფოტოგრაფია. ამიტომ ხშირად დავდივარ უცნობ ქუჩებში და ვეძებ საინტერესო ადგილებს, ვიღებ უამრავ ფოტოს. ამ მხრივ აზია ძალიან საინტერესოა.



ჩინეთის დიდი კედელი

#### • გინდა, შენს თანატოლებს სტიმული მისცე, მეგობრული რჩევები გაუზიარო, როგორ მიაღწიონ წარმატებას?

აუცილებლად სწავლა, შრომა და მინჯა დასახულობა. თავისუფალ უნივერსიტეტში გვეონდა ასეთი დევიზი: ცოდნა, შრომა, თავისუფლება. მხოლოდ ცოდნას მოაქვს თავისუფლება.

თეა ახალკაცი

## ანსამბლი "სალალობოს" უდიდესი წარმატება საბერძნეთში

ჩვენი მუნიციპალიტეტის ფოლკლორული ანსამბლები მართლაც უდიდესი პოპულარობით სარგებლობენ არა მარტო ქვეყნის მასშტაბით, არამედ მის საზღვრებს გარეთაც.



შესრულებულიყო და მიზანსაც მიაღწიეს. მაღლობა მათ, რომ საშურის სახელს უცხო ქვეყნებს აცნობენ.

"სალალობო" უკვე დაბრუნდა საშურში. წინ ახალი მიწვევებია (ესპანეთი, იტალია, ბულგარეთი) და იმედია, იმ ქვეყნებშიც ასევე წარმატებით დაასრულებენ მორიგ გასტროლებს.



ამჯერად ანსამბლმა "სალალობო" გვასახელა და ჩვენი ქალაქის სახელი საბერძნეთს გააცნო. საბერძნეთში კი ანსამბლი 19-20 ივლისს, "N Studia"-ს ძალისხმევით, და მისი ხელმძღვანელის ელისო კაპანაძის ორგანიზებით გაემგზავრა.



ფესტივალი, რომელშიც "სალალობო" მონაწილეობდა, მართლაც წარმომადგენლობით იყო და მასში მრავალი ქვეყნის (საბერძნეთი, ისრაელი, პანამა, ბულგარეთი, პოლონეთი, ბოსნია-ჰერცეგოვინა...) ფოლკლორული ჯგუფი მონაწილეობდა. ფესტივალი ქალაქ სალონიკში შედგა და "სალალობოს" მართლაც ტრიუმფით აღინიშნა, მის გამოსვლებს არ დაკლებია ტაში და ოვაციები. ანსამბლის ხელმძღვანელებმა ღია ბერუაშვილმა და ალექსანდრე ამბარიძემ უდიდესი საბუშო გასწიეს, რომ ყველა ცეკვა უმაღლეს პროფესიონალურ დონეზე

### იყიდება მიწის ნაკვეთი

იყიდება 400 კვმ სამოსახლო ნაკვეთი, ყველანაირი კომუნიკაციით, საშურში, შიო მღვიმელის ქ. #5 (ცენტრალური ბაზრის მოპირდაპირე ჩიხი). ფასი 10 ათასი აშშ დოლარი.

საკონტაქტო ტელეფონი 5 57 39 87 87

"საშურის მოამბის" რედაქციის თანამშრომლები თანაუგრძნობენ რობერტ სუხიაშვილს ძმის

### ვკენის

გარდაცვალების გამო

"საშურის მოამბის" რედაქციის თანამშრომლები დრმა მწუხარებას გამოთქვამენ კულტურის ცნობილი მუშაკის და შესანიშნავი მსახიობის

### ანზორ გაჩეჩილაძის

გარდაცვალების გამო და თანაუგრძნობენ განსვენებულის ოჯახს

ა(ა)იპ საშურის მუნიციპალიტეტის გაზეთი „საშურის მოამბე“. დირექტორი და გაზეთის რედაქტორი გიორგი გოგალაძე, მისამართი: საშური, ტაბიძის ქუჩა №2. ტელეფონი: 24 30 27.  
E-mail Khashurismoambe2015@gmail.com მიმღების დასახელება: საზინის ერთიანი ანგარიში, საიდენტიფიკაციო კოდი 443860984, სახელმწიფო საზინა TRESGE22, სახაზინო კოდი: 749547499.  
D-ით მონიშნული სტატია იბეჭდება დაკვეთით გაზეთი იბეჭდება თბილისში.